

# SCHAUNERHIE

4/4-Takt, a-moll, zickig.

## INTRO VIOLINE SOLO

||: Am<sup>7</sup> | Dm<sup>7</sup> | F E<sup>7</sup> | Am<sup>7</sup> :||

## 1. STROPHE

| Am<sup>7</sup> | Am<sup>7</sup> | Dm<sup>7</sup> E<sup>7</sup> | Am<sup>7</sup>  
Schau die do, wi kammern bloß mid su an feddn Orsch a su a enge Husn ohziehng, schauerhie.  
| Am<sup>7</sup> | Am<sup>7</sup> | Dm<sup>7</sup> E<sup>7</sup> | Am<sup>7</sup>  
Und der erschd, der bubbld in der Nosn, also naa, und dann frißders nu, die Sau, also naa, schauerhie.

## REFRAIN

||: Am<sup>7</sup> | Dm<sup>7</sup> | F E<sup>7</sup> | Am<sup>7</sup> :||  
||: Schauerhie, schauerhie, schauerhie, schauerhie, :||

## 2. STROPHE

Schau der do, hockd immer in sein Gardnhaus mid aaner Flaschn Schnabs, also naa, schauerhie.  
Und der erschd, schiffd immer an sein Zwetschgerbaam am hellerlichdn Dooch, a su a Saubär, also naa, schauerhie.

## REFRAIN

## 3. STROPHE

Schau die do, do kummd jedn Dannerschdooch a Geignlehrer, wer wass, was die do dreim, schauerhie.  
Und der erschd, der wäscht fei nie sei Audo, sixd den Dreeg an sein Schutzblech, also naa, schauerhie.

## REFRAIN

## 4. STROPHE

Schauerhie, wis neirend in di Kerch mid ihm Gsangbuch, die dud immer su heilich, schauerhie.  
Und der erschd, der had Ratzn in sein Gardn, des is ja aa a Grüner, also naa, schauerhie.

## REFRAIN

## BASS + SCHLAGZEUG SOLO auf Akkorde der Strophe

## VIOLINE SOLO auf Akkorde des Refrains

## 5. STROPHE

Und die doo, schauerhie, die is ohgschmierd wi a ohlackierder Aamer, do blädderd ja der Butz, schauerhie.  
Und di erschd, wis hersteichd mid ihr Stöcklschuh, und geh duds mid am Neecher, also naa, schauerhie.

## SCHLUSSREFRAIN

| Am<sup>7</sup> | Dm<sup>7</sup> | F E<sup>7</sup> | Am<sup>7</sup> |  
Schauerhie, schauerhie, obber schau schnell widder wech, die braung des ja ned merkn, schauerhie.  
Am<sup>7</sup> | Am<sup>7</sup> | Dm<sup>7</sup> E<sup>7</sup>  
Obachd, etz kummers. Grüß Godd, a scheens Wedder hammer heid! An scheena Dooch noch, Herr Nachbar !  
| Am<sup>7</sup>  
Schauerhie !

## REFRAIN